

其事如是一切大眾聞佛說法各得勝利歡喜作禮右遶而去

大方便佛報恩經卷第一

器一

對治品第三

夫譯

蹉七何反奮迅上方問反果蓏下部果反樹實一云在樹曰果在地曰
萎鳥為反爻交委反躋地上躋聲反肥怡上許之反下余之反繩
繩食慶反上正俗二通用校飭上音教比同

追阜上丁回反下音負

瓦礫上丁無石一山

荆棘音京下砂下音屑山藪下音卑澤溝壑上古侯反一渠也甄無水曰一

輦舉方長反朱挽車也下余惛音憲

猖狂音猖循環二字音同還迹脚跡鈍撻圈反不利也捺音捺聰音聰穀音穀

優壞下而養殊也

嫗轉上糸阮粗才古反掉動音掉喑嗟音嗟

也

兩翅下施糧餉下詩尚憤責字音字畋獵音畋漁捕音漁

或作燕下音步

秤尺聲反呼及反喻下許排目上上拒逆音拒逆蚊蠅上音文下莫庚反

佞下音剛反威威皆上呼麥反正作械下梨目也

咆地卡步交反正搏噉作跑足一也

天台柏崖倪常課生徒暇書

瘦者得伸拘癖衆生即得手足邪迷衆生得
覩真言以要言之諸不稱意皆得如願。爾時
會中有七十大菩薩摩訶薩即從座起頭面
禮佛遶百千而却住一面異口同音說百千
偈讚歎如來其名曰

稱菩薩無量音菩薩大名聞菩薩明垂曇菩
薩堅師子善薩獨遊步菩薩捨所念菩薩及
智積菩薩意善住菩薩無極相菩薩慧光曜
菩薩消強意菩薩能擁護菩薩至誠英菩薩
蓮華界菩薩衆諸安菩薩聖慧業菩薩將功
勲菩薩無思議菩薩淨梵施菩薩寶事業菩
薩處天華菩薩善思惟菩薩無限法菩薩名
聞意菩薩已辯積菩薩自在門菩薩十種力
菩薩有十力菩薩大聖愍菩薩無所越菩薩
遊寂然菩薩在於彼菩薩無數天菩薩頃弥
光菩薩極重藏菩薩因超越菩薩而獨步菩
薩威神勝菩薩大部界菩薩以山護菩薩持

三世菩薩有功勲菩薩宣名稱菩薩日光明
菩薩師子英菩薩時節王菩薩師子藏菩薩
示現有菩薩光遠照菩薩山師子菩薩有名取
施菩薩莫能勝菩薩為最幢菩薩喜悅稱菩
薩堅精進菩薩無損減菩薩有名稱菩薩無
恐怖菩薩無著天菩薩大明燈菩薩世光曜

菩薩微妙音菩薩執功勲菩薩除暗暝菩薩
無等倫菩薩各於佛前發誓願言我等於世
尊滅度之後護持佛法於十方界廣令流布
使不斷絕何以故我等今者覩如來不思議
妙色光明於光明中皆得聞不思議佛法既
聞法已離於心障累結永消身心清淨晃如
天金萬品斯照我等思惟如是等功德利故
於如來所生大師想生慈父想常念佛恩當
報佛恩何以故得聞正法不久當坐道場轉
正法輪度脫一切衆生皆令以得聞法故得
成阿耨多羅三藐三菩提尔時釋迦如來告
一切大衆言是七十大菩薩摩訶薩久於過
去無量百千萬億微塵數阿僧祇劫中已曾
供養無量百千萬億恒河沙世界微塵數諸
佛於諸佛所常修梵行供養諸佛心不疲倦
以慈修身善護佛法不捨大悲常於十方利
益一切若有衆生臨命終時若聞一菩薩名
若二若三若四乃至七十稱名歸命者命終

即生有佛國土蓮華化生遠離婬欲不處
胞胎離諸臭穢其身清淨有妙香氣衆所恭
敬人所愛念爲人所恭敬愛念故其心歡喜
以歡喜心故即能發於阿耨多羅三藐三菩提
心以發阿耨多羅三藐三菩提能於一切衆生起大慈悲心以發慈悲心已次亦生
於利益衆生心以能利益衆生心已復能發
於不捨衆生心以利益衆生心自利利彼心滅
除障礙心寂淨煩惱心能親近善友常生恭敬
心專意聽法心憶持不忘惟妙義心願
少聞多解義心不願於多聞而不解義心次
生信如心信如實義心以生如實義心已次
生如說修行心以生如說修行心已次生不
退轉心以生不退轉心已於諸衆生即生等
對治心如我不喜死一切三界二十五有有
形無形四足多足乃至蟻子有命之屬亦復如
是是故菩薩乃至喪失身命終不枉奪他
命如我有錢財穀帛衣被飲食爲馬車乘國

城妻子身體手足供養擁護不喜他人橫來
侵害者一切衆生亦復如是是故菩薩乃至
自喪身命終不於諸衆生衣財飲食生於劫
奪之心如我不喜他人欺凌斷我妙色姊妹
妻妾者一切衆生亦復如是是故菩薩乃至
喪身失命於他美色不生邪念染汙之心況
行姦惡如我不喜面毀兩舌惡口一切衆生
亦復如是是故菩薩乃至喪失身命終不妄
言兩舌鬭亂彼此如我不喜杖石鞭打榜笞
拷掠者一切衆生亦復如是是故菩薩乃至
喪失身命終不杖石楚毒拷掠衆生如我不
喜杻械枷鎖械繫閼縛勒諸苦惱者一切
衆生亦復如是是故菩薩乃至喪失身命終
不枷鎖繫閼杻械衆生如我不喜爲人所陵
強力迫脅威恩所逼恃怙形勢壓伏擗逼不
今而自炳說自顯清白者一切衆生亦復如
是是故菩薩乃至喪失身命終不非理加於

喜者我亦當常布施衆生衣服飲食卧具醫藥一切樂具若我造作大事若佛事法事僧事智力有限不能令其成辦憂愁苦惱若有智者見我如是憂恚懊惱不能令其事得辦便報我言善男子莫憂愁也我當供辦稱意所須令汝事辦我聞是語心生歡喜是故我亦當常勸化衆事利益衆生如我爲王賊水火縣官所逼若繫若閑心生愁毒復有智者見我如是遇衆苦難便往我所善言誘喻告言莫愁苦也我當爲汝求哀國王若諸大臣若供給財賄若設餘方便令汝解脫使無裹惱我聞是語心生歡喜是故菩薩常當勤修技藝多諸工能音樂倡伎曆數算計呪術仙藥服乘馬兜鉢槊箭出陣入陣有大功武我有如是衆妙技藝一切衆人若王大臣不敢違逆我意兼我復有衣財飲食珠環釵釧金銀琉璃珊瑚琥珀碑磲瑪瑙真珠玫瑰摩尼寶珠象馬輦輶僅僕作使官人美女流泉

浴池七寶臺觀如是種種微妙無量百千菩薩雖有如是威武隨意技藝百千寶藏爲馬車乘無量美女勝妙臺觀流泉浴池一切五欲樂具心不貪著而常少欲知足好樂閑靜山林樹下安禪靜嘿雖處大衆言談語論而心常入對治門中雖與衆生和光塵俗出內財產生業息利終不爲惡利益衆生若有貧窮及諸苦惱來從菩薩求索所須菩薩隨意稱心給與菩薩若見有衆生愛樂佛法而來親近供養承事奉侍洗足按摩浣濯乾曬楊枝澡水拂拭牀敷捲牒被枕初夜後夜供給燈燭前食後食鉢那食蒲闌丘食佉陀丘食及諸漿飲所謂與利師漿馥勒耆果漿蒲桃漿黑石蜜漿如是承事乃至一七至九日爲欲求請菩薩聽聞佛法菩薩介時雖見是人如是供給心不歡喜何以故菩薩久於無量阿僧祇劫中爲求佛法故我爲一切衆生心無增減故以慈悲心故住平等心故余

時作轉輪聖王常以十善導化一切衆生爲我意故歡喜奉行命終之後得生人天受微妙五欲快樂尊嚴豪貴隨心適意卧起入宮服乘鞍馬遊戲園苑伎樂自娛歡喜飲食無常卒至老病喪亡室家男女愁毒懊惱舉聲大哭以手搥脣或時拔髮飲灰土觸絕辟地持幡乘車啼哭送之殯埋既竟室家男女乎相扶持還歸本家愁毒悶絕辟地或時致病或時狂癲或時致死於生者大損於死者無益是時轉輪聖王前後導從案行國界見諸衆生受斯苦惱愍而哀傷而作是言夫爲王者王領國土攝諸衆生雖以十善導化果得如是微妙五欲而不免生老病死無常敗壞當知我雖以正法治國無益於物若無益父云何復名爲大醫王云何復名爲大導師夫大導師者導以正路示經繫逕使得無爲常得安樂我等今者名不稱行譬如有人渴

乏垂命東西馳走求索尋水遙見空井心生歡喜而作是念我今此身便爲更生何以故若不得水命去不遠今見好井必其望得清淨冷水濟我虛渴運急之命作是念已馳奔往趣往到井上脫所著衣舉著一處入井取水而不得水唯見毒蛇守宮蝮蝎百足之屬瓦礫荆棘及諸草穢余時渴人失本願故既不得水衆毒蟄身尋欲出井其井朽故陷墮茲巖其朽故井深一箭道旣無梯橙繩索杖木雖復勇身上昇勢不能高氣力羸憊還墮井底爲諸毒蛇之所唼食命未斷頃而作是言我若先知此井無水尚不眼視而況往取今日苦毒爲井所誤余時轉輪聖王見諸人民室家男女恩愛分離受苦惱時而作是言今我身者喻如空井雖有井名而無有水現有所趣而無所獲喪失身命苦惱如是我今雖處於轉輪聖王之位七寶具足十善導化正法治國令諸衆生生人天中受於微妙五

欲快樂故未能免生老病死恩愛分離怨憎和合憂悲苦惱更相哭泣然我過非衆生各所以者何以我無有出世間法利益一切衆生雖從於我諸受善法望獲安樂而實不能越於苦海

余時轉輪聖王復作是念我身今者喻如無智大癡施主余時施主值天大旱七年不雨樹木憔乾時世飢餓穀米勇貴人民飢餓爭相茹食飲血敵肉更相殘害枉濫無辜或父食子或子食父父母兄弟妻息男女更相食歟余時大施主遊行觀看見諸衆生飢餓憔悴羸瘦戰掉氣力虛微顏貌憔悴頭髮蓬亂形體瘦黑於其肩上或見擔揭純是死人所

有頭手節腕臂肘脊脅肩臂臍蹠足指或是肝膽腸胃時大施主微聲問言汝所擔揭者是何物也答言我所擔者是死人頭手臂肘節腕也問言汝擔是死人臂肘節腕何所作爲答言汝不知耶天時亢旱時世飢餓穀米食余時施主聞是語已心驚毛豎悶絕躋地以冷水洒面良久方蘇復更問言雖是汝食是何人肉余時餓人聞是語已舉聲大哭憂恚漸絕報施主言不可言也痛哉痛哉恠哉恠哉大施主我今情實相語我所擔者或言是父或言是母或言妻子或言兄弟宗親骨肉余時諸飢餓人各各以情實自說因緣大施主更無餘事我等以飢餓因緣故還相敵食可余時大施主聞是語已飲氣歎息報衆人言汝等今者雙莫共相食敵肉也若有所湏衣服飲食種種湯藥所湏之物却後一七汝等大衆皆集我家我當隨汝所湏衣被飲食病瘦湯藥稱意給與衆人聞已心生歡喜歎言善哉善哉未曾有也余時施主還到其家喚其夫人及其子息僮僕作使一切皆集於衆人中和顏悅色發柔軟言告喻妻子及諸作使汝等應當至心聽我所說汝等知不天

時炎旱時世飢儉人民飢餓死者無數我等居家庫藏盈滿穀米無量可共及時種於福田妻子聞已善哉善哉快善無量我等身命亦隨施主況於大藏錢財飲食耶爾時施主心生歡喜汝等今者真是我無上道伴善哉善哉汝等諸人應當各各而自處分隨所應作隨所應為應作者便作應為者速為却後一七必令成辦尔時施主一一處分已竟即目出外處處觀看何處當有平地寬博安施檀施即時安著清淨之處除去沙鹵株杌荆棘其地清淨安施牀敷櫈氈即時安施大衆坐處已嚴駕五百大象負載飲食運趣施檀飯食如山乳酪如池膏油趁脯種種餚饍百味具足兼有種種衣服珠環嚴釤馬車七珍種種具足莊嚴已竟却後一七明相舉時亦於七日朝槌鍾鶴鼓吹大螺貝高聲唱言一切大衆皆來集於大施主檀尔時衆人聞是唱聲心生歡喜如蒙賢聖聞是語已尋

聲往趣大會施檀隨意所取衣被飲食珠環嚴釤百種湯藥寡馬七珍隨所好喜恣意選取尔時施主所施之物衆人持去已盡尔時施主心生歡喜已即還歸家室家妻子歡喜受樂五欲自娛却後一七聞外人言先所受施主衣被飲食者皆藥發而死或未死者皆發是言恠哉恠哉是大施主雖有慈愍供給所須衣被飲食雖復當時充飢解渴得濟身命於後數日藥發喪命時大施主憂恚懊惱問其妻子汝等云何成熟飲食使令惡毒藥令墮食中妻子作使諸僮僕等皆言不尔若不尔者毒從何來答言不審尔時施主重自檢校即入家中次第案行見一井水而覆蓋頭間諸人言此是何井家人答言此是施主子珍種種具足庄嚴已竟却後一七明相舉於小兒時養三毒蛇穿此一井安置其中此時亦於七日朝槌鍾鶴鼓吹大螺貝高聲唱井是毒蛇住處水亦是毒飲者殺人施主見已問作使言汝等先作食時不取此井水用作食也作使答言飲食猥多當時逼急汲取

此水用作飲食大施主言惟哉惟哉如我今者愚癡無智云何養此毒蛇作此毒井告語妻子速往填塞中三毒蛇者爲吾燒殺是時作使速往除滅爾時施主滅毒井已出外觀看見受施者藥發而死異口同音皆言坐此施主與我毒食令我早喪身命我若先知此食有毒者終不敢食爾時施主聞是語已心生懊惱如彼轉輪聖王雖復十善導化今諸衆生得生人天雖受如是微妙五欲微妙快樂猶未能免生老病死時轉輪聖王尋發願言我今應當求索無上佛法出世間法令諸衆生讚誦翫習遂離生死得至涅槃

尔時轉輪聖王爲求佛法故於閻浮提遍處宣令誰解佛法大轉輪王欲得翫習處處宣今皆云言無到一邊小國中有一婆羅門解知佛法尔時使者逕往詣彼至婆羅門所問言大德解佛法耶答言解耳尔時使者頭面禮足報言大師大轉輪王欲相頤命唯願大

師屈神德往至彼轉輪王所時轉輪王遠出奉迎頭面禮足問訊起居冒涉途路得無疲倦耶即請入宮於正殿上敷王御座前請大師願坐此座時婆羅門即昇妙座結跏趺坐尔時大王見於大師端坐已定供給所須施安已竟合掌向於婆羅門白言大師解佛法耶時婆羅門報言吾解佛法尔時大王報言大師爲我解說婆羅門言王大愚也吾學是佛法久受勤苦因乃得成今者大王云何直欲得聞尔時大王白大師言欲須何物婆羅門言與我供養王言所須供養爲是何物衣被飲食耶金銀珍寶耶婆羅門言吾不須如是供養王言若不須如是供養者駕馬車乘耶國城妻子耶音樂倡伎耶婆羅門言吾都不用如是供養也若能就王身上剜作千瘡灌滿膏油安施燈炷然以供養者吾當爲汝解說佛法若不能者吾欲起去王未答頃尋下高座尔時大王即前抱持報言大師小復

留懷今我智慧微淺功德薄少小頃自思惟
當奉供養

尔時轉輪聖王即自思惟而作是念我從無始世界已來喪身無數未曾爲法今我此身當歸敗壞都無所爲今日正是其時仰報大師言所須供養者當速辦之尔時大王即入

宮中報諸夫人而我今者共汝等別時諸夫人聞王語已心驚毛豎莫知所由微聲問王王欲何去王言今者我身欲剜作千燈供養大師時諸夫人聞王語已宛轉躋地舉聲大哭悶絕吐逆良久蘇息報大王言天下所重莫若已身恭敬尊重隨時將養懼畏不適今者云何毀害捐棄王是智人而於今日如似顛狂鬼魅所著耶王言不也若不尔者何緣報夫人欲求佛法爲一切衆生若爲一切衆生今日云何便見孤弃王報諸夫人言天下恩愛皆當衆離是故吾今以身供養欲爲汝

等及一切衆生於大暗室然大智燈照汝生死無明黑暗斷衆累結生死之患超度衆難得至涅槃故汝等諸人今者云何違逆我心時諸夫人聞王語已嘿然不對心悲喚噎舉聲大哭自拔頭髮爪捲面目復發聲言我等薄相生云我所天王有五百太子悉皆端正聰明智慧人相具足其父愛念喻如眼目尔時大王語諸子言我於今日欲設供養恐身命不濟與汝等別國土人民所有王法從大者治時諸太子聞是語已身體支節筋脉抽切辭如人噎又不能咽復不得吐微聲問父王言今日云何永棄孤背時諸太子前抱王頸或捉手足舉聲悲哭惄哉惄哉今日云何永失覆護爾時大王諫曉諸子即爲宣說天下恩愛皆有別離諸子答言雖如父王所說心情戀慕不能捨離大王今日當賜一願令諸子等持此身命奉上大王爲王供養婆羅門師王言諸子幼稚未有所識未能堪辨如

是供養如我今者遠請大師許相供養不得
違錯夫爲孝子不違父意汝今云何違違我
心時諸太子聞是語已舉聲吼喚驚動神祇
舉身投地如太山崩尔時大王復與諸小國
王一切辭別還至殿上往大師所脫身瓊珞
上妙衣服舉著一面端身正坐告諸大臣諸
小國王五百大子二萬夫人汝等今者誰能
爲吾剜身千瘡夫人太子及諸群臣皆共同
心而作是言我等今者寧以利刀自剜兩目
終不能以手剜王身也尔時大王心生憂惱
而我今者單子孤露大衆之中乃無一人見
佐助耶尔時大王有一旃陀羅其性弊惡人
所怖畏尋聲往趣語諸太子且莫憂苦也我
有方便能令大王事不得成若不成事還王
領國土如本不異諸太子聞是語已心生歡
喜時旃陀羅往到王前語大王言大王今者
何所作爲剜身千瘡供養大師時旃陀羅言
欲剜身者我能爲之王聞是語心生歡喜報

旃陀羅言汝今真是我無上道伴時旃陀羅
即在王前欷嗟蹋悵高聲唱言大王當知殺
人之法斷頭截頸割斷手足抽筋拔脉苦痛
如是大王今者能堪是不王聞是語心懷歡
喜時旃陀羅持牛舌刀就王身上於瞬速頃
遍體剜作數滿千瘡時旃陀羅謂王意退而
返不移投刀於地馳走而去尔時大王於身
諸瘡灌滿膏油已取上妙細氈綻以爲炷尔
時婆羅門大師見於大王作是事已作是念
言我今應當先爲大王宣說佛法何以故大
王今當然身諸燈恐命不濟命若不濟誰當
聽法恩惟是已告大王言精進如是難爲能
爲修此苦行爲聞佛法諦聽諦聽善思念之
今當爲王宣說佛法王聞是語心大歡喜辭
如孝子新喪父母其子愁毒苦不可言父母
還活其子歡喜王聞是語亦復如是時婆羅
門即便爲王而說半偈謂興義法
夫生輒死此滅爲樂

王聞法已心生歡喜告諸太子及諸大臣而作是言諸人若於我有慈悲心者應爲我憶持是法於諸國土處處聚落有人民處城市巷陌宣王優命諸人當知大轉輪王見諸人民一切衆生沒於苦海未能出要於諸衆生起大悲心剝身千燈求此半偈諸人今當感大王大慈悲心應當書寫此偈讀誦翫習思惟其義如說修行諸人聞是語已心生歡喜異口同音讚大王言善哉大王真是大慈悲父爲諸衆生修此苦行我等應當速往書寫或紙或帛或於石上或於樹木瓦礫草葉蹊徑要路多人行處亦皆書寫其見聞者皆發阿耨多羅三藐三菩提心

尔時大王即然千燈供養大師其明遠照十方世界其燈光中亦出音聲說此半偈其聞法者皆發阿耨多羅三藐三菩提心其光上照乃至忉利天宮其燈光明悉能隱蔽諸天光明時忉利天王見此光明遠照天宮即作

是念以何因緣有此光明即以天眼觀於世間見是大轉輪王以大慈悲熏修其心爲一切衆生故剝身千燈供養大師爲度一切衆生故是故我等今當往於世間勸戒佐助令心歡喜即下世間化作凡人往詣王所問大王言剝身千燈修此苦行爲求半偈何所作爲報言善男子我爲一切衆生故令發阿耨多羅三藐三菩提心尔時化人即復釋身光明威曜微然炳著時天帝釋報大王言作是供養願求天王耶魔王梵王耶是時轉輪聖王報天王釋言我亦不求人天尊貴正欲求阿耨多羅三藐三菩提爲一切衆生故不安者安不解者解未度者度未得道者欲令得道天王釋言大王今者不乃愚也求阿耨多羅三藐三菩提者久受勤苦乃可得成汝今云何欲求無上道耶報天王釋言假使熱鐵輪在我頂上旋終不以此苦退於無上道汝今雖發是言吾不信也時轉輪聖王即於天王

釋前立此誓言我若不真實求於阿耨多羅

三藐三菩提欺誑天王釋者使我千瘡終無愈時若不余者血當爲乳千瘡平復說是語時即復如故天王釋言善哉大王真是大悲修大悲者如是苦行不久當得阿耨多羅三藐三菩提得三菩提時要先度我時天帝釋放大光明遍照王身與百千諸天俱時發阿耨多羅三藐三菩提心五百太子見其父王身瘡平復歡喜無量即前頭面禮足却住一面合掌向父異口同音俱發聲言未曾有也今者父王真是大悲愍傷一切王報太子汝等若是孝子者當發阿耨多羅三藐三菩提心是諸太子聞是語已心生歡喜感於父王重恩分故尋聲即發阿耨多羅三藐三菩提心二萬夫人百千姝女亦復如是尔時衆中有七十恒河沙等衆生皆發聲聞辟支佛心復有無量天及乾闥婆阿脩羅迦樓羅緊那羅摩睂羅伽人非人等見聞是已皆發道心

歡喜而去

大方便佛報恩經發菩提心品第四

爾時會中有一大菩薩摩訶薩名曰喜王即從座起偏袒右肩右膝著地合掌仰白如來而作是言菩薩云何知恩報恩佛告喜王菩薩善男子諦聽諦聽菩薩摩訶薩知恩者當

發阿耨多羅三藐三菩提心報恩者亦當教一切衆生今發阿耨多羅三藐三菩提心若發菩提心云何而發善薩因何事故所以能發善男子菩薩摩訶薩初發三菩提心時立大誓願作如是言若我得成阿耨多羅三藐三菩提時當大利益一切衆生要當安置一切衆生大涅槃中復當教化一切衆生悉令具足般若波羅密是則名爲自利亦名利他是故初發菩提心者則得名爲菩提因緣衆生因緣正義因緣三十七助道法因緣攝取一切善法根本是故菩薩名爲大善亦名一切衆生善根能破一切衆生身口意等三業

諸惡一切世間所有誓願及出世間所有誓願無有能勝阿耨多羅三藐三菩提如是誓言無勝無上菩薩摩訶薩初發三菩提心時有五事一者性二者行三者境界四者功德五者增長菩薩若能發菩提心則得名爲菩薩摩訶薩定得阿耨多羅三藐三菩提修大乘行是故初發菩提心即能攝取一切善法菩薩摩訶薩發菩提心修行漸得阿耨多羅三藐三菩提若不發心終不能得是故發心即得阿耨多羅三藐三菩提根本菩薩摩訶薩見苦衆生心生憐愍是故菩薩因慈悲心故能發阿耨多羅三藐三菩提心因阿耨多羅三藐三菩提心即能習三十七品因三十七品故得阿耨多羅三藐三菩提是故發心名爲根本發菩提心故行菩薩尸羅是故發心名根名因名枝名葉亦名華次名果亦名爲子菩薩發心畢竟不畢竟者乃至得阿耨多羅三藐三菩提終無退失不畢竟者有退

有失退有二種畢竟退不畢竟退畢竟退者然不能發阿耨多羅三藐三菩提心不能推求修習其法不畢竟退者求菩提心修習其法是菩提心有四種一者若善男子若善女人若見若聞諸佛菩薩不可思議事余時即生信敬之心作是念言佛菩薩事不可思議若佛菩薩不可思議事是可得者我亦當得阿耨多羅三藐三菩提是故至心念於菩提發菩提心復有不見諸佛菩薩不可思議事以聞諸佛菩薩祕密之藏聞已即生信敬之心得生信心故爲阿耨多羅三藐三菩提及摩訶般若是故發菩提心復有不見諸佛菩薩不思議事亦不聞法見法滅時復作是念無上佛法能滅衆生無量苦惱作大利益唯諸佛菩薩能令佛法久住不滅我今亦當發菩提心令諸衆生遠離煩惱願我此身受大苦事護持佛法久住於世故發菩提心復有不見諸佛菩薩法滅時唯見惡世諸衆生等具

重煩惱貪欲瞋恚愚癡等無慙無愧墮懲等
嫉妬恚癡苦惱等不信邪疑懶惰等見是事
已即作此念大惡世時衆生不能修善如是惡
時尚不能發二乘之心何況阿耨多羅三藐
三菩提心我今當發菩提心發菩提心已乃
當教一切衆生令發阿耨多羅三藐三菩提心

余時喜王菩薩復白佛言世尊菩薩知恩自
發菩提心菩薩報恩教一切衆生令發菩提提
心者如來世尊於生死時初發菩提心因何
事發佛言善男子過去久遠不可計劫生死
中時以重煩惱起身口意業故墮在八大地
獄所謂阿訶訶地獄阿婆婆地獄阿達多地
獄銅釜大銅釜黑石大黑石乃至火車地獄
我於余時墮在火車地獄中共兩人並挽火
車牛頭阿傍在車上坐縛脣切齒張目吹火
口眼耳鼻烟炎俱起身體殊大臂腳蟠結其
色赤黑手執鐵杖隨而鞭之我時苦痛惄力
挽車力厲前進時我徒伴劣弱少力劣弱在

後是時牛頭阿傍以鐵叉刺腹鐵杖鞭背血
出沐浴隨體而流其人苦痛高聲大喚苦痛
難忍或稱父母或稱妻子雖作如是唱喚無
益於已我時見是受大苦惱心生哀愍因慈
心生故發菩提心爲此衆罪人故勸請牛頭
阿傍此罪人者甚可憐愍小復加哀垂慈憐
愍牛頭阿傍聞已心生瞋恚尋以鐵叉前刺
我頸尋時命終即得脫於火車地獄百劫中
罪我以發阿耨多羅三藐三菩提心故即脫
火車地獄之罪佛告喜王挽火車者今我身
是因發菩提心故疾得成佛是故當知一切
衆生發菩提心其事非一或因慈心或因恚
心或因施心或因慳心或因歡喜或因煩惱
或因恩愛別離或因怨憎和合或因親近善
知識或因惡友或因見佛或因聞法是故當
知一切衆生發菩提心各各不同喜王當知
菩薩摩訶薩知恩報恩其事如是說是法時
萬八千人發阿耨多羅三藐三菩提心一切

大衆中有得須陀洹乃至阿羅漢時天龍鬼神人及非人亦能發聲聞辟支佛心聞法歡喜頭面作禮右遶而去

大方便佛報恩經卷第二

器

赫奕上許客反下音亦蟠蘭上音盤
鑄練上七見反一檠燭旦士葉也
拘癖正作賴眼眶生花兒也晃曜反上明胡廣
之胡病曲步庚反作蹙脚屈病瘞呂文主郎
迫脅正作擊打孟反考以下威逼掠下胡音又上直也
情伯也垂髮也瞎丁直也逼打一果瑞反力
也

持怙二字音市依倚也壓音押機遇上歛也恐於戰於戰
止炳明也丙音財賄下呼押枷上繩也愁於戰於戰
鑄作鑄財火又古追倡妓下聲也愁枷上繩也愁
也

濯此云洗也內同用梨音八捨韻文餚日反呼尺於戰於戰
可食羹寄所資分音鞞部反呼尺於戰於戰
佉此云楚也也

也

也

反押近 上音蚊蟲上音莫庚文下
齶臂 上呼麦反正作淺下
搏噉齶 在醫反一裂日也 呱地 上步交反一也
二同音博搏也 搞也 下

大方便佛報恩經第一卷

大方便佛報恩經卷第三

失譯

器

論義品第五
余時如來爲母摩耶夫人并諸大衆說法九十日間浮提中亦九十日不知如來所在大目犍連神力第一盡其神力於十方推求亦復不知阿那律陀天眼第一遍觀十方三千大千世界亦復不見乃至五百大弟子不見如來心懷憂惱優填大王戀慕如來心懷愁毒即以牛頭栴檀樹像如來所有色身禮事供養如佛在世等無有異余時大王召諸六師卜問如來爲何所在余時六師即作是言

大王當知瞿曇沙門正是幻術所化作耳幻化之法體無真實大王當知我等經書四圍陀典說言千年二千年當有一幻人出世瞿曇沙門正是其人余時阿那律陀往詣大王所白言大王當知如來近在忉利天却後七日當還閻浮提王聞是語心生歡喜宣令國土掃洒燒香懸繒幡蓋競共集聚設眾供養種種餚饍華香伎樂余時六師見衆人集聚設諸供養種種餚饍六師聞言汝等諸人設是供養欲請國王耶王子耶若言非也若不余者爲請大臣耶婆羅門居士耶若不余者親族會耶答言非也欲請於佛六師問言佛者是誰答言一切智人復言一切智人爲是誰耶答言大慈悲父汝不知耶白淨王種豪尊第一從劫初已來嫡嫡相承作轉輪王近來二世不作轉輪王雖不作轉輪王而作閻浮提王兄弟三人其最長者号曰淨飯王其次第二名曰斛飯王其最小者名曰甘露飯